

海王邨古籍叢刊

張文襄公全集

中國書店

海王邨古籍丛刊

張文襄公全集

張之洞著

第四冊

中國書局

張文襄公全集卷一百七十一

電牘五十

致西安薛尙書陸侍郎屠前侍御光緒二十七年正月初五日已發刻

發刻

豪支兩公電悉趙司寇事前奉樞電續奉電旨先於廿六日設法電致英德兩使解救復電決絕不允又於廿九日電各國駐使速商外部解釋初係救四繼專救一猶恐外部不理又託滬各領事轉告公使美外部復電許可但不可言勸英德仍是空言日本復電前日全權已知照各使首禍已奉旨照辦此電自勿庸議但云可憫張文襄公全集卷一百七十一電牘五十一

而已他國均無復此事前數日已有電旨與全權大臣全權已與各國商妥初三日又已見明發上諭此時實再無挽救之法祈諒并望轉致諸公微

西安來電并致劉制台光緒二十七年正月初四日

趙尙書實非禍首朝野稱冤求設法解救幸蒙允辦乞即日先電奏請緩刑萬急薛允升陸潤庠屠仁守馬吉樟劉廷琛王廷斌周爰諒方靈鮑心增王步瀛李占科許汝棻戈炳琦曾光岷郭景象何錫祺劉瞻漢劉嘉斌劉璞胡孚宸許珏嚴作霖江浙皖陝士民公叩

又光緒二十七年正月初五日子刻到

首禍已死趙司寇情有可原請設法力救陸潤庠屠仁守易順鼎夏震武賴清鍵劉璞洪嘉與謝化南金文同馬吉樟王廷斌高崧生傅運生葉泰椿等公叩支

致上海日本總領事小田切光緒二十七年正月初八日午刻發

疊次述貴外部大臣來電均悉俄約事貴政府籌慮深遠爲東爲中均爲緊要關鍵銘感曷極已密電西安力請朝廷勿允此約俟各國公議惟目前時勢中國獨力斷難拒俄尤望貴政府切約英德美各國以公論向俄張文襄公全集卷一百七十一電牘五十一

力阻實叙睦誼聞俄格使言謂此乃中俄兩國之事他國議論可置之不理假如彼真不理或竟罷交還之約有何辦法切望速示遲則無及鄙人因感風頭痛兼旬未愈致稽電復歉甚齊

致東京李欽差柏林呂欽差輪墩羅欽差華盛頓伍欽差光緒二十七年正月初九日辰刻發

俄約十二條侵我土地政權兵權利權并有干礙各國之處中國固不願允許然中國獨力斷不能拒俄各國所知何以各國僅勸中國勿許而不勸俄勿要挾豈欲俄得志而各國效尤耶若中國不允俄約俄竟不交還

佔地或別生枝節則將若之何各國試代我設想有何辦法肯代我駁阻俄國否俄格使勸全權慶李云此中俄兩國之事與他國無涉且各國無以此語告我政府者獨以不干己事與中國為難必當置之不理等語豈各國真不敢向俄啟齒耶務祈切商外部力勸其徑電俄廷方能有益并祈詢明俄中國拒俄而干俄怒究竟各國肯代我力爭否格使與全權均甚急各國有助我之策須速籌遲則無及速電示至盼佳

致西安鹿尚書

光緒二十七年正月初九日午刻

間有小樞致他省督撫電云初十諭旨令條議變法整

張文襄公全集

卷一百七十一

電牘五十

三

頓一件切囑各省覆奏萬勿多言西法云云殊堪駭異竊思采用西法見諸上諭明文鄙意此後一幾生機或思自強或圖相安非多改舊章多仿西法不可若不西法仍是舊日整頓故套空文有何益處不惟貧弱各國看我中國乃別是一種頑固自大之人將不以平等與國待我日日受制受辱不成爲國矣究竟此事意若何略圖能透澈否各省能否切實覆奏那幾種事可望更張鄙意第一條欲力掃六部吏例痼習痼弊樞廷諸公肯否此復電如文繁請用泰密本繕好交李蘭泉發簡則不必請酌佳

致西安行在軍機處

光緒二十七年正月十一日亥刻發

駐日本李使來電云佳電頃商外部稱此事日難獨任須中國政府分電英德美日等國託商俄廷將東三省併入公約辦理或有挽回無別法餘所言與前電同鐸蒸亥等語謹奉達耳

致西安行在軍機處

光緒二十七年正月十四日子刻發

德領事祿理璋云昨接德國政府復電云中國不應另與無論何國何公司立讓土地利權之約必須先守各國公約先將此約切實辦到等語各國既均勸中國勿另立約則中國儘可以各國勸阻爲詞拒絕俄國或者

張文襄公全集

卷一百七十一

電牘五十

四

由中國將俄約布告各國請其約齊向俄理論總之照此約東三省連蒙古一帶實已歸俄允之則招各國效尤不允則俄或畏公論尙冀和平了結云云以上皆領事語謹電聞容續陳元

致西安行在軍機處

發後轉劉制台 光緒二十七年正月十八日申刻發

篠電謹悉昨英領事轉外部瀾侯來電俄約關繫甚大並非滿洲境內一處暫約實已將滿洲全境及蒙古新疆伊犁等處一併歸俄保護惟英國並未接到此約明文望中國將此約明告一俟接到明文當商各國惟中國此時萬不可應允須候所請調停各國復電方可再

有舉動等語是英但催俄約明文並未云不肯調停與全權電英國並未允向俄排解一語似有參差又美署使柔克義來電囑敝處力勸朝廷勿允俄約並述美政府云中國私立讓土地利權之約於中國權利極為危險萬不得已亦須先與現在議約諸大國商明允肯方可等語查八月羅使儉電英德於本月廿三日互換保護中國商務土地四款內有云英德不棄機而取中國土地英德將此約告明奧法義日日本俄美六國請其照辦等語又日本總領事來電俄主飭外部告各國支摘要繙譯另附日文即日郵呈此刊本係日本外部密書

張之義全集

卷一百七十一

電牒五十一

五

甚確其略曰日本外部刊本譯出一千九百年八月廿五日俄國官報俄皇命外部轉告各駐使云此次因中國北方做事應聲明本國舉動諸事與各國公同一致維持辦理各國所為開分劃中國之端一切排除以上各國同意成立定此綱領俄政府自己亦遵守將來亦遵守等語頃駐日本李使電頃外部言英廷因東三省事有詰責俄廷之說如何措詞尙無所門等語揆度日來情形是英國似已發端各國亦當繼起雖不能力折其鋒總可漸殺其勢想不至全行食言俄皇告各國文既有刊本但能堅忍數日必有轉機能挽救一分即有

一分之益伏望朝廷切飭全權大臣總以婉言商懇俄使力言中國今日極弱固斷不肯負俄國然又豈能拒英德等六七國除敝處現又切商各領事電催各外部速出排解外謹先奉聞

致西安行在軍機處

光緒二十七年正月十九日

頃英領事來告頃接英陸使轉外部來電云英德日現在歐洲協助中國等語務請敝處速再電達朝廷中國既已請各國調停必須候各國復信若不候復信遽與俄定議便是中國失信於各國萬萬不可薩使另有要語囑見敝處面達擬明早十一點鐘來見等語謹先

張之義全集

卷一百七十一

電牒五十一

六

電開餘明日晤後續陳嘯玄

致西安行在軍機處

發後轉劉制台

光緒二十七年正月二十日

今日英總領事來見稱奉其外部調候來電云中國既已請各國相助排解現各國正在歐洲極力設法惟中國應速飭全權必須將俄約各條明告各國將約稿分送駐京各使各一分并照會各使將中國以為有礙自主之權各條指出請各使公議若無約稿所謂請各國排解者何事各國何從向俄辯論各國不據明文俄可含糊推宕不認等語當答以朝廷惟恐干俄之怒未敢宣布若貴國能照會中國言以見約之後必代調停雖

干俄怒英國亦可會同各國向俄排解不至決裂則中國便可放心宣布領事允即照電外部及公使謹奉聞效亥

致上海日本總領事小田切

光緒二十七年正月二十日卯刻發

請速轉外部大臣東三省事俄約險惡催逼全權限日畫押承貴國與各國商阻極感各國此時不知已告知俄政府否敝處已四次電奏朝廷深知此次俄約之害極不願允此約惟中國力弱獨力不能相拒故前有旨令我各駐使商請各國外部協助勸阻閣下有何良策維持中東實所感仰務望從速方能有益不然全權恐

張文襄公集

卷百七十一

電牘五十

七

不能堅拒各國欲助亦無及亞東大局壞矣盼示復效

致西安行在軍機處戶部

光緒二十七年正月二十二日辰刻發

荷電謹悉轉運局米前已督飭岑道於原辦水運外添籌獎潼陸運今當嚴催水陸分投趕運至鄂辦雜糧萬石係飭襄陽道朱其煊經理事由陸運不用水運直達潼關限二月中旬全數運陝猶恐遲滯近又另添雜糧陸運一路專派河南候補知府桑寶就賒旗南陽一帶酌量添購雜糧自行雇車雇駝徑運潼關車駝長短聽其酌辦以免與襄陽朱道所運相妨茲復分電嚴催朱道桑守分路趕運矣馬

致西安岑撫台廣州陶制台

光緒二十七年正月二十二日辰刻發

屢電悉啟處諫阻俄約則有之若雖亡國不讓東三省則實無此語國既亡矣何有於遼東乎凡動輒言甘心亡國而不恤者乃徐桐諸人之言鄙人不忍作此語也增祺草約有奉天設官與聞要公一條今約無想即來電所謂監督也朝旨現今全權商改磋商未專取決於合肥鄙人電奏甚多不能備述大指言各國皆極力勸阻我勿允俄約惟有力懇各國排解峴岬亦屢奏尊處傳聞不盡實立言尙望審慎禱

致俄京楊欽差

光緒二十七年正月二十四日卯刻發

張文襄公集

卷百七十一

電牘五十

八

東三省因增祺擅立草約致啟貪求賴公辯論維持深佩忠盡惟現議各條其害仍鉅各國譁然極力勸阻并謂我若許俄則各國必將效尤仍歸瓜分云云查俄與各國在北省聯軍俄廷曾布告各國俄與各國公同一致維持辦理將分割中國之端一切排除見諸俄國官報俄皇仁義已著不應貪言又與各國已公同訂立大綱十二款是俄亦當與各國事一律不應別有要求近日奉旨飭令各駐使請各國向俄排解各國外部云須將俄約稿錄送若不見俄約則所請排解者何事乃合肥李相謂兩國之約不能與各國看若宣布恐招俄

怒云云竊所未解其實此約斷不能始終秘密俄怒不
過不還東三省各國皆怒則爭相效尤一舉而亡十八
省矣尊意以爲何如祈速裁示擬請公可否向俄外戶
部言明各國索觀約稿中國不能不將此約宣布以探
其意似亦無妨探詢後祈速示中國極弱俄大國固不
能抗英德日等六七強國又豈能拒動以情理是否有
益再鄙人及劉峴帥此時有何策可爲公助力之處祈
速密示總之鄙意此時萬不宜草草議定中華全局存
亡所關務望詳慎敬卯

楊欽差來電

光緒二十七年正月二十九日酉刻到

張文襄公集

卷一百七十一

電牘五十

九

敬悉約稿照我送駁款刪改頗多已由峴帥轉達西
例兩自主國立約畫押前向不外交部稱此約定
後即登官報無款不可告人俄以兵力得滿洲誰能
援例云前戶部密談之款電京後爲洋訪事探知登
報戶部甚怒幾與儒絕交故約稿未便早宣至排解
一節終恐難恃英俄約南北各不干預德首相昨在
議院宣稱英德約不指滿洲美使言中外未睦助力
大難日本小不敵大改款視初稿迴殊效尤不易必
待排解俄未必再讓恐轉多一耐勞之藉口耳從違
利害策無萬全仍乞有以教之並轉峴帥備感

致廣州陶制台

光緒二十七年正月二十六日丑刻發

敬電悉並無將出洋學生全調回之說學生助亂者甚
多皆予以自新逆蹟尤著者三人祇不送入學校不代
出學費聲明此三人將來善惡成敗不與湖北相涉耳
可謂極寬矣有

陶制台來電

光緒二十七年正月二十一日子刻到

聞吾師將調回出洋學生少年尙氣不可遏抑彼未
必盡信康梁恐召回無以自活轉鉅而走險乞酌模
效

致西安岑撫台

光緒二十七年正月二十六日丑刻發

張文襄公集

卷一百七十一

電牘五十

十

敬電悉到晉後被害教士教民查卹拳匪及縱匪官吏
嚴辦辦法極合令弟言尊意欲與洋兵約定彼此不相
犯最爲要著惟須速電全權大臣請其照會各使及聯
軍統帥隨後再補咨全權轉達方來得及前膛槍鄂省
亦缺省外防營團練需用請領尙不敷無以應命徑
致西安行在軍機處

光緒二十七年正月二十九日辰刻發

今日英領事來見出示薩使自京來電言俄約所改各
條及限期十四日皆已盡知係在京間某大員說者他
條皆符惟第八條云已全行刪去並不知尙留有不允
各國路鑛工商利益一段其文武大吏僅改爲調離云

云亦尚不知第十一條俄路賠款知之不悉何以獨於
關涉各國要語未聽人說殊不可解敝處當即切告英
領言貴薩使所聞未盡詳悉其中尙多礙難之處中國
不肯遽允限期太迫假如我政府託轉懇薩使邀各國
向俄商展限可否英領答云可行務請速發電旨先託
各國代商展限此有益無損之事敝處又問各國雖允
助尙未肯出頭明幫假如中國肯將東三省全行開放
所有路礦工商任便雜居等事准各國同享此各項利
益各國肯實力助中國阻俄約否英領欣然答云如此
必肯助力當即作爲洞一人之私意託其電商外部薩

張奏稿全集

卷百七十一

電牘五十一

上

使允即發電至日本亦作爲洞意電商矣謹密陳勸

致江甯劉制台上海盛大臣濟南袁撫台廣州陶

制台安慶王撫台

光緒二十七年正月二十九日

頃電奏云沁旨敬悉云云請代奏之洞肅儉亥等語是
否有合請裁酌賜示商定後再電全權爲安豔寅

致江甯劉制台上海盛大臣濟南袁撫台

光緒二十七年

正月二十九日

渾沁亥勸已勘午江勘申儉兩西六電均悉滬轉京奏

楊使敬電亦閱鄙意已詳頃轉去儉電奏中刻想達覽
管見救急三策一請各國代繼展限二東三省偏地開

放卽所謂開門通商藉各國商力以拒俄三藉北境甲
英日人練水陸軍之說以阻俄入長城鐵路以此兩抵
路或可罷與否翁勘午電意似相同峴帥諄命鄙人酌
定彙核拙見或蒙采納如以爲然請峴帥撮敘簡要數
十語會三銜電奏或加兩語云其詳已具洞儉單銜電
奏中或不加亦可由峴帥處發電爲禱總之中國不能
自立與其第口礎磨不如強鄰藉助然僅有益於我無
益於人誰肯助之藉各國之公論以展限藉各國之商
利以阻俄吞遼土藉各國之練兵以抵俄路入關無聊
之策只能如此東三省係我自行開放與吳淞秦王島

張奏稿全集

卷百七十一

電牘五十一

上

無異內地十八省不能援例效尤兩公如有良策請卽
添入至於限我兵數禁華洋軍火禁各國人充巡捕大
吏不合俄卽撤調皆大損自主之權無復再振之望然
彼豈容多駁我豈敢多爭先議展限徐籌長策此電及
拙電奏可否與鄭蘇龕張季直商酌並密與小田切閱
之前奉佳電旨命江鄂勒各國幫助辯阻向俄說項此
係遵旨辦理祈速酌辦惟三全權處似不宜遽行電告
楊敬電有乞聖裁決許字樣恐必打破此局應否稍緩
俟得英日復電再行轉告并請安酌速示豔辰

劉制台來電

并致袁撫台盛京堂
二月初二日寅刻到

光緒二十七年

鄂兩豔電悉三策實爲救急良法莫妙於此議論透澈語語皆有關係萬分欽佩現已查照香帥來電擬要會香杏二公銜電奏由甯逕發文日行在軍機處鑒沁電旨恭悉國能自主以其國是皆不必聽命於人而國是之重莫過於權利兩項今細釋俄約雖略加刪改凡關兵權利權均須商之於俄滿洲全境無異爲俄所有此約大體已非縱再商改總不能一無所損各國必須效尤均早明告中國一俄尙不能拒豈有能拒各國之理是滿洲失一分權利卽舉國之權利皆失不僅現在聯軍未撤細約未定京畿一帶

張交襄公全集

卷一百七十一

電牘五十

三

在各國掌握之中已也爲今之計惟有請迅發電旨令駐英日美德各使切商各外部告以俄改約仍多關礙中國及各國之處期迫難允請各國代爲懇俄展限俾得詳籌此卽照英濶候語不得各國回信不畫押之意藉爲騰挪遷延之計一面卽與各國相商如能力助中國拒俄願將東三省全地均准各國通商公享利益各國當必欣然與其爲俄獨佔其利受無窮之害不如借各國通商以爲牽制之策不獨目前可以拒俄亦從此可免俄國侵吞滿洲之患俄欲築路駐兵直入長城蓄意最很如難商阻卽令楊使

告以在奉天一帶聽英日將弁練水陸各師以爲抵制俄能因此停止固善否則亦可藉伐狡謀是今日欲求自保權利以爲救急之謀舍此實無別法坤等往返籌商意見相同其詳已具洞檢電現催畫押甚急顯慮各國阻撓欲迫中國自允爲箝制各國之計全局所關伏乞朝廷力爲主持不勝迫切之至請代奏劉張盛東云全權處自宜緩告如合內意必有電旨坤東

致西安端撫台

光緒二十七年正月二十九日酉刻發

有電敬悉湖北轉運事轉運局江鄂七省之米鄂省獨

張交襄公全集

卷一百七十一

電牘五十

四

辦之糧係屬兩事現晝夜督催分爲四路並運局米分水陸兩路水運由荆紫關抵龍駒寨爲一路陸運由樊抵潼爲一路楚豫邊界雜糧亦分兩陸路由襄陽道朱其煊運西安交湖北糧道譚啟宇爲一路由河南知府桑寶自購自運抵潼關爲一路朱一路較多桑一路略少大約二月內雜糧可到陝萬石局米容查請再奉達

致西安鹿尙書

光緒二十七年二月初一日酉刻發

今晨東電奏想達英薩使來電謂俄約已全改好據來電云乃在京聞周鶴所說其藏過第八條不允各國路

鑛工商明係姑用好言慰英免其阻撓以便催逼畫押
鄧奏如不速行必有人洩之於俄矣鄙人前四日感一
電奏即請託各國展限不報茲倫東兩電奏不知上
意稍動否榮相王相係何宗旨有何議論望速示屋

致西安樊雲門發

光緒二十七年二月初一日酉刻

非存滿洲不能存中國非酌改俄約不能存滿洲非展
限不能議改約非英國向俄說項不能商展限非以東
三省偏地開放工商雜居一切利益與各國不能令英
國爲我出力非將第八條禁阻各國工商刪去不能免
各國責我以私約干眾怒留中國之兵護滿洲不如招
張之翼全集卷一百七十一 電牘五十一

卷一百七十一

電牘五十一

五

各國之商護滿洲減俄屯遼之兵不如截俄入京之路
以入京之路爲酬報不如以他事爲酬報況合肥電奏
薩使來電俱言中俄並無此成約何必酬報不允限我
之兵不如趁此照楊使所刪即議定用英日練我北路
水陸之兵與其遷就於滿洲不如通融於新疆日來鄙
人三電奏大指具此此中西講求時局之公言非區區
一人之偏見然竟未聞詔旨切託英國展限許以酬報
惶悚焦急莫測高深撮要牽達可否向三樞堂痛切言
之昨日本外部來電將第八條全文照錄其餘各條亦
分條指陳利害是俄約改本日已全見英必傳鈔我若

託英並非自我宣布此乃全權通慮合肥獨心至東三
省開門通商乃我自開口岸內地無慮效尤即使各省
通商中國尚可永存看以後時勢中國豈能以兵存仍
是以商存耳足下既抱魯陽精衛之誠又具國僑子貢
之智所望力贊當道挽救國脈其功不朽各路電奏想
已得閱明懇盼復沃

致江甯劉制台

光緒二十七年二月初二日未刻

東會電奏暨鑒申東兩電均悉頃見東旨飭羅使告外
部若能於限內代我設法轉圜或勸俄展限則大妙等
因語意似稍輕淡未言俄約難從者何事亦不言酬報
張之翼全集卷一百七十一 電牘五十一

卷一百七十一

電牘五十一

去

不知有濟否畫押之先發登報俄必不肯沃午

劉制台來電

并致袁撫台盛大臣
二月初一日戌刻到

光緒二十七年

兩國定約他人不得干預此無事時常例勢當危急
不可不斟酌變通現在聯軍未散京畿在各國掌握
之中俄於各國尚有遜詞我所處何地何時豈可徇
一俄以干眾怒專約公示各國正以表我被俄逼迫
之實情此事之不得不然者或又謂專約大體已非
其流弊於東三省不知何所終極特東三省變故出
於和局既定之後慮在一方出於目前則全局皆震
是專約必不可畫於聯軍未撤之前逐條籌議不過

藉以騰挪地步爲遷延時日之謀仍當視各國意向爲斷非爭駁數條彼略通融即可畫押即可無事此說亦是各國原議本謂公約未定之前中國不應與一國另立私約中俄在先已誤詎可再誤專約中政權兵權尤爲喫緊各國所注目在此就令俄可和商郵意總須各國無異議而後可免他患滬勘電請俄宣示各國一層最爲切要乞香帥裁酌坤東

致江甯劉制台

光緒二十七年二月初二日午刻

擬會銜致上海英壁總領事電曰潤候囑我須候四國回信至今回信未到俄皇與格使訓條俄外部告楊使張彥義全集

卷一百七十一

電牘五十一

七

語甚決絕逾限不畫押則東三省不交還不講鄰好中歷二月初七日限滿俄約本不便宣布因日本外部來電云第八條中國未與俄先行商明不許他國一切工商利益等語是改訂之約日本已全見英亦必見查此條於中外各國均有礙最爲緊要敢懇速商英外部速邀各國代我商懇各國展限先將第八條刪除則江鄂必會同奏請朝廷將東三省全境許各國共享路礦工商雜居一切利益此條於中西大局有關感謝無極究竟貴國能代中國商懇俄國展限否能指明將第八條全行刪除否祈明晰速示劉某張某同電等語所裁酌

不言工商酬報不能動人但言我等奏請尙覺虛活昨會電奏已言之此次江鄂奉旨令託各國幫助說項前又奉有便宜行事之旨似尙無妨如可用卽酌量增改速發電不必再商并請照此電略改字面會電羅星使沃午

致江甯劉制台

光緒二十七年二月初二日申刻

擬會銜致日本總領小田切電曰豔電悉剖析改訂俄約之害極爲透切具微友誼改約未善弟等深知特以俄恃強勒限畫押中國力不能拒故鄂省豔電懇貴外部商英美代我懇俄國展限前三日俄皇又頒電旨與張彥義全集

卷一百七十一

電牘五十一

六

格使言逾限不畫押則東三省從此不議交還不講鄰好並將從前不占地之旨收回此乃俄逼中國貴外部謂中國欲速定約以誤會矣俄約本未便宣布尊電既有第八條中國未與俄先行商明不許他國一切工商利益等語是新約貴外部已見查此條於中外各國均有礙最爲緊要敢懇貴外部速商英美德各國代我商懇俄國展限先將此第八條刪除則江鄂必會同奏請朝廷將東三省全境許各國共享路礦工商雜居一切利益此條於中東大局有關感謝無極究竟貴國能代中國商俄展限否能指明將第八條全行刪除否祈速

明斷速示英外部做處已有電商懇矣劉某張某同電冬等語祈裁酌如可用即酌量增改速發電不必再商并請照此電略改字面會電李本齋星使沃未

致江甯劉制台光緒二十七年二月初三日巳刻發

頃見冬電旨已飭李羅伍呂四使商日英美德外部代我懇俄展限許以東三省開門通商均需路礦工商一切利益昨擬會電英日兩總領羅李兩使其四件請速發勿遲覺已

盛大臣來電并致劉制台 光緒二十七年二月初五日未刻到

奉旨俄約酌改其中尙多窒礙不獨中國之害亦大

張之洞全集 卷一百七十一 電牘五十 充

非各國之利惟限期甚迫俄告中國詞意決絕勢難獨力轉圜非得各國力助商緩不能從容籌議前英淵侯有英日德美向俄詰問尙未回信中國勿遽畫押之語昨全權電奏薩使亦允轉電政府請俄展限著李盛鐸羅豐祿伍廷芳速商各外部請迅即電達俄廷代請展限總期稍寬時日方可妥爲籌計必各國眞肯出力助我方能有益該大臣等務須體察情形或密告以各國果能代請展限中國得以籌辦妥協則俄交還東三省後中國甚願與各國會議東三省開門通商章程大興鐵路工商一切事宜俾各國

利益均霑亦仍賴各國合力向俄商辦云有此利益各國或可實力相助惟此層務必秘密作爲該大臣等之意不可使俄知之以致激怒貽患爲要著即悉心妥籌向商以固全局仍將商辦情形迅速電聞欽此冬滬轉江

劉制台來電光緒二十七年二月初三日亥刻到

覺已電悉三策邀允大局或有轉機會致英日領呂

羅李電已發坤有

致江甯劉制台上海盛大臣濟南袁撫台光緒二十七年二月初四日未刻發

張之洞全集 卷一百七十二 電牘五十 干

冬電悉改約十一款由江鄂交出尙有未便恐爲俄人及全權藉口日已鈔英必見但請斷無須交也讀致樞沃電已極悚切冬旨已託各國展限并許酬報此致樞會電可不發謹將致各國會電酌易字句請硯帥改定或增或減由甯速發不必再商其文曰駐英日美德羅李伍呂欽差即刻譯送并配華文各國政府鑒俄約雖略改仍多窒礙十一條全文日本已經鈔得各大國亦必盡悉無待贅錄俄雖勒限畫押中國實不願損失自主權利我朝廷已有電旨飭各駐使託各大國外部電達俄廷代商展限尙未接復音查拳匪之亂中國辦理

不善各大國不咎既往留我將來振作之基中國臣民同聲感奮方謀和約定後卽日將諸政大加興革以副各國期望適因俄約不兌聞各國現將京約停齎竊思東三省爲我國家發祥之地若主權旁落何以自立於環球之上且無以仰副各大國去年殷殷保全中國自主之權之盛心尤慮權勢偏重東方大局或因此猜嫌牽掣不獲承寧和平於中外各國大局實多妨害既承各大國指陳利害諄勸不可遽行畫押實深感激本大臣本部堂已疊次奏請朝廷不宜允准畫押奉求各政府將中俄相持不下之約十一條秉公評斷與京約同

張彥義全集

卷一百七十一

電牘五十一

三

時畫押總以無傷主權爲度則各國之賜實東方之福東南各省總聽各國之公斷爲憑不以俄國勒逼之條款爲據至北京公約大綱早已畫押尤望仍卽接續會議早日定局萬勿爲俄約所牽掣免致拖延不了別生枝節至爲盼禱并望卽日電復劉某張某初四日等語

支午

劉制台來電

光緒二十七年二月初五日亥刻到

英日兩領電日領處係逕發英領處寄滬道密交頃袁道電已面交壁領據稱北京各使意見不一德法似與俄通而不甚關切日關切不能明言英外部前

日來電祇阻不畫押不肯出面勦詳陳得失利害壁慊之卽轉電北京回電或由英使逕覆或由勦轉電云又小田電奉外部電開貴督所言各國公享利益一節似乎礙難商辦等因敝政府意蓋謂東三省事各國只可仗義而言不可以利相爭江電已轉政府云會致四使電已照支電譯發坤歌

致江甯劉制台上海盛大臣

光緒二十七年二月初五日寅刻發

既託各國助力俄約改本十一條必須令各國全見日本早見全文各國必已傳鈔望密告小田切照鈔數分送英美德及各領事支

張彥義全集

卷一百七十一

電牘五十一

三

致西安行在軍機處江甯劉制台上海盛大臣

光緒

二十七年二月初五日寅刻發

盛宗丞電云鈞處詢俄約不畫而強占各國可退還順直他處亦無平空強占之理有無把握等語查滬上各領僉言如畫押必瓜分且各國力阻我畫押若畫押則恐效尤我既聽從拒俄則各國斷無反行占踞順直等處之事日外部總領事屢電言之英領亦言之他領事姑再詢先奉達亥亥

致西安鹿尙書

光緒二十七年二月初五日辰刻發

去臘變法論旨海內歡欣鼓舞咸謂中國從此有不亡

之望矣人心所以鼓舞者以諭旨中有采西法補中法及渾化中外之見二語也並非因整頓除弊居上寬臨下簡必信必果等語也嗣聞人言內意不願多言西法尊電亦言勿襲西法皮毛免貽口實等語不覺廢然長歎若果如此變法二字尙未對題仍是無用中國終歸漸滅矣蓋變法二字爲環球各國所願助天下志士所願聞者皆指變中國舊法從西法也非泛泛改章整頓之謂也若僅整頓常談安能數年即有成效安能即望自強且於外國何涉大約各國謂中國人昏陋懶弱詐滑無用而又頑固虛矯狂妄自大華已夷人嫉視各國

張文襄公全集

卷一百七十一

電牘五十一

三

如醉如夢其無用既可欺其囑妄更可惡故視中華爲另一種討人嫌之異物不以同類相待必欲作踐之制縛之剝削之使不得自立爲一國而後已現議之約即此辦法步步加緊莫測所終中國地日蹙兵日弱財日匱羣強環而壓之將與越南印度同求爲高麗而不可得矣大抵今日環球各國大勢孤則亡同則存故欲救中國殘局惟有變西法一策精華談何容易正當先從皮毛學起一切迂談陳話全行掃除蓋必變西法然後可令中國無仇視西人之心必變西法然後可令各國無仇視華人之心必變西法然後可令各國無仇視朝

廷之心且必政事改用西法教案乃能消弭商約乃不受虧使命條約乃能平恕內地洋人乃不致逞強生事必改用西法中國吏治財政積弊乃能掃除學校乃有人才練兵乃有實際孔孟之教乃能久存三皇五帝神明之胃乃能久延且康黨國會之逆黨亂民始能絕其煽惑之說化其思亂之心至於此等大計聖上主之疆臣議之政府定之迂謬之說不理可也豈能以國家存亡徇冥洪諸妄人之謬論哉伏望詳思明斷與略囿仁和兩相密商之若不趁早大變西法恐同變後事變離奇或有不及料者鄙人略知端倪夙夜憂焦不敢不

張文襄公全集

卷一百七十一

電牘五十一

四

密陳不忍不盡言祈鑒察裁示

致上海盛大臣江甯劉制台濟南袁撫台

光緒二十七年

二月初五日午刻發

頃見全權蒙電已憑東電旨電楊使畫押矣諸公尙有何策乎頃接岑撫電俄約廷意初七決不畫然已無及順直恐援遼東例德未必占山東恐在山東鐵路上文章法圖滇日圖履意圖三門皆意中事英則不可知

歌

劉制台來電并致袁撫台盛大臣

光緒二十七年

鄂歌電悉前見東旨早慮全權憑此畫押今果如此

危亡之禍即在目前可勝痛哭耶相係公約全權楊則此案事使咎無可辭請香帥迅速擬稿布告各國朝廷已有旨未商妥之前不得畫押全權違旨定議各省不能以此爲憑仍須另議首先穩住各國以免遽起分佔一面切實電奏請即日降旨撤楊使電告俄外部此約作廢另派新使會議拚與俄人決裂或可解救萬一事機萬緊請擬定速發不必再商坤微

致江甯劉制台

光緒二十七年二月初六日午刻發

盛轉楊使支電想達楊以無明旨不敢畫押雖接合肥張文襄公全集

卷一百七十一

電牘五十一

電想仍未畫況現有歌旨阻楊畫押當可中止麻

盛大臣來電

光緒二十七年二月初六日寅刻到

楊使支電國書冬電敬悉外部屢請不見國書公文一概不收絕我已甚悚憤萬分畫押與否後患輕重視俄及各國辦法如何備未奉畫押之旨不敢擅事西例定約須互較畫押憑據未奉明旨俄決不允現在回國代請展限尙無消息日夜焦惶百思無計不勝迫切待罪之至乞代奏儒支並轉慶李劉張云宣

轉歌

致江甯劉制台廣州陶制台燒南哀撫台安慶王

撫台上海盛大臣

光緒二十七年二月初六日申刻發

頃會銜電奏曰俄約緊迫云云語平等語尊指想同時刻緊不及商甯微戊電頃始到撤楊怒俄太甚洋例最忌且畫否未可知不能即撤有此奏則江鄂會電各國稿似可稍候杏翁如願列名請電西安電局添入可也

致西安行在軍機處

光緒二十七年二月初七日辰刻發

日本總領事致江鄂電云頃奉外部大臣電開日本政府日前電飭駐俄大臣轉達俄政府聞俄國將東三省約移交中國欽差並請限內畫押不許稍有刪改查該

張文襄公全集

卷一百七十一

電牘五十一

天

約內有與中國東三省主權干涉者又有與各國權利不符者俄國所求與俄國應享應保之權利不相埒中國已懇日本並別國從中斡旋勸俄國不必過求日本政府爲勸平東方權力並保全日俄睦誼起見務請俄國爲事與各國所享權利一路無歧並請東三省事交駐燕各國欽差從公定議似合情理此事全爲敦厚友誼起見深望俄政府樂從等因奉此即請查照仍希轉電行在俄如何要求萬勿輕允以保大局爲盼麻等語此與李使歌電述日本致俄電卽是一電惟字句稍異仍轉達備查考坤一之洞同肅陽

致江甯劉制台廣州陶制台福州許制台安慶王

撫台濟南袁撫台上海盛大臣光緒二十七年二月初八日寅刻發

楊使徵未電俄自願展限兩日陽電旨飭楊懇將五條

刪除或先議公約再議專約飭慶李請各國公議設法

斡旋事有轉機日英之力也惟調侯第一條切言公約

未定不准立專約無論如何刪除總與調侯之言不合

與德日外部之言均不合此是難事總之合肥在京不

願與英日德美各使商實不可解甯陽電佩甚既不

爲名存實亡之京畿十八省自不能顧名存實亡之東

三省世事豈能兩全況合肥辦法直是兩不全耳齊寅

張文襄公全集卷一百七十一電牘五十一 毛

致江甯劉制台濟南袁撫台安慶王撫台光緒二十七年二月初九日申刻發

庚奏齊電語語警醒移京商辦恐全權毅然畫之所慮

極是楊或是託病辭難推此重擔於北京耶公有何策

請速籌速奏并示復霽

致上海日本總領事小田切東京李欽差光緒二十七年二月初十日戌刻發

灰電已轉達行在東三省之事承貴國日本鼎力相助向俄

詰問俄國答復語氣和平足見俄人向畏公論事有轉

機中國實深感荷然中俄勢力既不相敵中國仍不無

過慮誠恐俄人因羞成怒或致決裂故亟欲慰以好言

令有退步易於轉圜但楊使呈遞國書俄外部堅不肯

收雖欲動以情理莫由轉達展轉籌思惟有仍懇貴國日本

再邀英美德三國會同將中國不欲決裂苦衷代達俄

皇勸其將此約歸北京公議最要者無論如何總須和

平商辦萬勿決裂致礙太平之局昨朝廷深慮俄國決

裂飭令敝處電詢各外部辦法即祈將鄙意轉達貴國日本

外部并詢其此外另有何妥善辦法迅速示復爲禱真

李欽差來電光緒二十七年二月十四日寅刻到

真電遵達外部答稱好言慰俄恐俄將計就計致又

張文襄公全集卷一百七十一電牘五十一 天

墮術中不可不慎囑邀各國告俄中國不欲決裂似

近求俄視俄太高長彼驕志恐各國不肯約歸京議

前已勸過現代籌惟兩辦法一速將約底交各國閱

看公斷一無論俄如何要挾總答以此約關係太重

兼各國勸阻萬不能盡請原諒以和平之語陳決絕

之詞爲要不宜多說別語免俄糾纏俟彼有舉動再

商應付之法等語乞鈞奪鑒元

致輪墩羅欽差光緒二十七年二月十一日戌刻發

東三省之事屢承英國勸我勿允并承瀾侯許以始終

全力相助中國實深感荷現中國已聽英言逾期未畫

俄約然中國勢力不敵恐俄人騎虎難下竟不還東三省甚至立時決裂與中國爲難亟須慰以好言令有退步易於轉圜惟楊使呈遞國書俄外部堅不肯收雖欲動以情理無由轉達展轉籌思鄙意擬請英國將中國國書代爲設法轉達俄皇一閱不知英國肯代轉否此係事急權宜之計不知於公法可行否姑以奉商如蒙允許即當奏明將國書電寄英國轉電俄京再日本已請俄國將三省之事歸北京公議俄雖未允而答復日本之電語氣尙近和平若再得英美德三國婉商俄國必聽從不知瀾侯以爲便否無論如何總懇須英國邀

張彥襄全集

卷一百七十一

電牘五十一

元

同美日德三國先發電力勸俄國務必和平商辦萬勿決裂致礙太平之局昨朝廷深慮俄國決裂飭令敝處詢商各外部辦法以上三節一請英代轉國書二請英會三國商俄歸公議三請英會各國勸俄和平商辦勿與中國決裂祈即切商瀾侯并詢此外有何妥善辦法迅速示復至禱真

羅欽差來電

光緒二十七年二月十五日未刻到

真電遵致瀾侯據云鄂帥宜勸朝廷持以鎮靜始終毋允俄約並以原稿請駐京各使公議所謂衡害取輕也至轉會等三事細思現如照辦無甚益處等語

豐寒

致柏林呂欽差

光緒二十七年二月十一日戌刻發

前承德國勸我公約未定以前不得另立專約又德相宣言不願中國國產任意棄置德國斷不坐視德國辦事在保全太平如各存意見亦必極力排解等語中國實深感荷現中國已聽德言逾期未盡俄約然中俄勢力不敵恐俄立時決裂致礙太平之局有負德相厚望仍須仗德國大力向俄婉商三省之事請俄始終與中國和平商辦無論如何萬勿決裂昨朝廷深慮俄國決裂飭令敝處電詢各外部辦法祈即轉商德相務請其

張彥襄全集

卷二百七十一

電牘五十一

辛

極力排解力勸俄人和平商辦迅速示復至禱真

致江甯劉制台

光緒二十七年二月十二日辰刻發

陶制台

福州許制台發後轉成都奎制台廣州

袁撫台

安慶王撫台雲南丁署制台蘇州

撫台

杭州余撫台長沙俞撫台貴州

陽鄧撫台

清江張漕台上海盛大臣

正月豔電悉變法覆奏必宜督撫聯衡方可有益人多尤善請公主稿鄙人當附名惟鄙意以仿西法爲主抱定旨中采西法補中法渾化中西之見二語作主意大抵各國謂中國人懶惰無用而又頑固自大其無用可欺其自大尤可惡於是視中國爲一種討人嫌之異物不以同類相待必欲蹂躪之制縛之使不能自立而後